

Sarajevo, Septembar 2015

POZIV ZA USLUGE PRAVNIH SAVJETNIKA Antikorupcijska mreža (ACCOUNT) u Bosni i Hercegovini

1. UVOD

Udruženje “Centar za razvoj medija i analizu” (CRMA) i Udruženje INFOHOUSE, uz podršku Američke agencije za međunarodni razvoj (USAID), realiziraju inicijativu „Antikorupcijska mreža ACCOUNT“ koja u Bosni i Hercegovini djeluje od 2012. godine. ACCOUNT je neformalna mreža koju čini 170 organizacija civilnog društva, institucija sistema, medija i pojedinaca. Od svog osnivanja, ACCOUNT pruža tehničku, savjetodavnu i aktivističku podršku organizacijama civilnog društva i njegovom djelovanju u prevenciji i borbi protiv korupcije u javnom sektoru u BiH.

U nastavku projektnih aktivnosti u periodu od 2015.-2019.g. ACCOUNT će djelovati na realizaciji efektivnih mehanizama za prevenciju koruptivnog ponašanja u sljedećim relevantnim sektorima: **javne nabavke, zaštita zviždača, zapošljavanje u javnom sektoru, zdravstvo i obrazovanje**. Tako će ACCOUNT raditi na uvođenje antikoruptivnih politika i procedura koje su konzistentne sa nalazima organizacija civilnog društva o stanju u sektorima. Nadalje, projekat će nastaviti saradađivati sa organizacijama civilnog društva i izabranim opštinama/gradovima na razvoju i strategija i akcionih planova za borbu protiv korupcije na lokalnom nivou.

Također, kroz svoje zagovaračke aktivnosti, ACCOUNT učestvuje u pripremi prijedloga za izmjene i dopune postojećih zakona o sprečavanju i borbi protiv korupcije. Istovremeno, Mreža koordinira aktivnostima svojih članica u kreiranju komunikacijske platforme za izvještavanje o korupciji i skretanju pažnje javnosti na ovu kompleksnu problematiku.

Kao integralni dio projekta, ACCOUNT-ov tim pravnih stručnjaka će nastaviti da pruža besplatnu pravnu pomoć za prijavitelje slučajeva korupcije, sa posebnim fokusom na one koji prijavljuju korupciju u vladinim institucijama i javnim kompanijama (zviždači).

2. CILJ

U nastavku aktivnosti, ACCOUNT planira angažirati tim iskusnih pravnih stručnjaka koji se bave zaštitom ljudskih prava kako bi se obezbijedila pravna pomoć organizacijama civilnog društva i pojedincima u prijavi, praćenju, izvještavanju i informiranju o prijavljenim slučajevima korupcije.

U tom kontekstu, pravni stručnjaci će biti angažovani na analizi i praćenju procesa kako bi se ispoštovale pravne procedure i zakonski propisi u praćenju i procesuiranju slučajeva korupcije u oblastima koje se odnose na zapošljavanje u javnim institucijama, provođenje javnih nabavki, zaštiti zviždača, praćenje sudskih postupaka u slučajevima korupcije, itd.

Pravni stručnjaci koji budu angažovani će također učestvovati na izradi preporuka za efikasniju implementaciju antikoruptivnih zakona kao i uspostavljanju adekvatnog mehanizma pravne pomoći koji će štiti osobe koje prijavljuju slučajeve korupcije i zviždače.

Na kraju prve projektne godine, očekivani rezultati pravnog tima su :

1. Primljeno/kandidirano 10 žalbi/prijava slučajeva korupcije sa osnovom
2. Uz pravnu pomoć javno objavljeni uspješno procesuirani pojedinačni slučajevi korupcije
3. Ostvarena saradnja sa organizacijama koje pružaju besplatnu pravnu pomoć u slučajevima prijave korupcije u BiH

3. DUŽNOSTI I OBAVEZE PRAVNIH SAVJETNIKA/ICA

- Pružiti pravnu podršku/opštu pravnu informaciju za slučajeve/upite kandidirane od strane prijavitelja slučajeva korupcije
- Pružiti pravni savjet/uputu o načinu i mogućnostima rješavanja ostvarenja i/ili zaštite određenog prava korisnika u skladu sa Zakonom o pružanju besplatne pravne pomoći
- Provesti pravnu analizu kandidiranih slučajeva korupcije i pripremiti izvještaj sa naznačenim preporukama (za svaki slučaj pojedinačno) djelovanja i mogućih implikacija na buduće aktivnosti vezane za borbu protiv korupcije
- Pisati zahtjeve, dopise, urgencije, druge akte, po potrebi, prilikom obrade predmeta
- Redovno evidentirati i dostavljati prijavljene slučajeve za potrebe registra besplatne pravne pomoći
- Učestvovati u monitoringu slučajeva prijave korupcije
- Učestvovati u promotivnoj kampanji/press konferencijama o besplatnoj pravnoj pomoći
- Dostavljati redovne, periodične izvještaje, kao i finalni izvještaj na kraju angažmana
- Ostvariti saradnju sa sa ostalim uredima/organizacijama koje pružaju besplatnu pravnu pomoć
- Pružiti stručnu pomoć timu ACCOUNT-a u analizi postojećih pravnih propisa u zemlji koji se odnose na borbu protiv korupcije u projektnim sektorima sa naznačenim preporukama za izmjene u cilju poboljšanja antikorupcijskih mjera

ACCOUNT će obezbijediti:

- primarnu listu sa kontaktima organizacija koje pružaju besplatnu pravnu pomoć u BiH
- raspoložive materijale/izvještaje
- honorar za sudjelovanje na gore navedenim aktivnostima
- medijsku podršku
- softversku podršku za registar pravne pomoći

Izabrani pravni savjetnici treba da posjeduju sljedeće kvalifikacije:

- stečeno zvanje advokata

- praktična iskustva u oblasti pružanja pravne pomoći građanima
- usmjerenost pružanja besplatne pravne pomoći prijaviteljima slučajeve korupcije, sa posebnim akcentom na prijavitelje korupcije u javnom sektoru (zviždači)
- izvrsne vještine komuniciranja
- poznavanje društveno-političkih prilika u BiH
- poželjno poznavanje engleskog jezika

4. VREMENSKI OKVIR I MJESTO

Predviđeni period angažmana u prvoj projektnoj godini je 6 mjeseci u periodu od januara do juna 2016. godine.

5. IZVJEŠTAVANJE I KOMUNIKACIJA

Pravni savjetnici koji budu angažovani na pružanju besplatne pravne pomoći u okviru projekta ACCOUNT dužni su pravovremeno izvještavati projektni tim o realizaciji aktivnosti, eventualnim problemima, kašnjenju ili nemogućnosti pružanja pravne pomoći. Krajem svakog mjeseca, pravni savjetnici su dužni dostaviti kratak izvještaj o prijavama slučajeve korupcije. Sva komunikacija sa projektnim timom treba biti u pisanoj formi uz dostavljanje pisanih materijala za sve obavljene/neizvršene poslove.

Za sve dodatne informacije koje se odnose na ovaj poziv možete kontaktirati:

Anesa Omanović
Projektna asistentica
Udruženje INFOHOUSE
anesa.@infohouse.ba
tel/fax 033 209 304, 200 538